



虛谷桐江續集卷第九

紫陽方回

萬里



十二月十五日晚宿餘杭步

孰令牽率到錢塘朝暮隨人作酒狂
蛻殼喜離城市路發蒙鷺見水雲鄉
四方上下乾坤濶萬里東西日月望
向來樓居不得句此夕葉舟吟興長

青山道中

挿天天目隱雲中但見苕溪綠
向東半折竹初經臘雪爭妍
麥已眩春風翻飛水鳥偏饒白
窄小村舡亦盡紅聞說南塘趙書完
近來毀賣與琳宮

南華賦書訪唐師善山居 侯舉

茗溪南問舊長橋渡水穿雲不作遙迂道征鞍何自苦隔
林吟屋屢相邀晚晴濃淡烟俱好春近高低雪盡消尚覺
麓材欠詩料政須餘馥乞唐瓢

夜飲唐子雲宅別後簡師善

師善父名從龍

幽居尋未得下馬揖比鄰指我道傍叟即君堂上親儀刑
全古雅談笑極清真七著山薇美樽壘臘釀醇扁門稱道
院開館養詩人得句揮毫疾論文剪燭頻乾坤百戰定父
子一家春地僻過從少誰歎此間津

昌化道中

縣街長五里當路臥耕牛民戶時常閉官征瑣屑收永無
燈火市况有管弦樓崖石偏欺馬湍溪不受舟葦簞何可
致蔬茹尚難求客余珠同價村沽水雜菊採樵多遇虎護
菓最防猴烟火銷荒店茅茨潰廢郵兵戈雖幸免賦役更
深憂不是山堪賞行人步三愁

春前一日還家 十二月廿一日

最險王千三嶺路加之雨滑馬行遲忽驚山客俱未返誰
報家人已預知釘菓待斟分歲酒剪蔬先賦立春詩舊聞
六十猶痴諺尚少一年焉不痴

虛谷志歸後賦十首

夏五月初一自湓城還家賦虛谷志歸十首
冬十二月二十一自錢塘還家趙達夫見和

前韻予續為志歸後賦云

卦撰家人吉門迎雅子歡始知鄉國好全勝道途難砌草

凍根綠庭花凍蕾丹春園容日涉更敢上長安

和者易嘆為歡今因之

萬事何時足不如歸故鄉真能主東道未愛博西涼雪後

春臺暖梅邊夜枕香孰堪思曠友共隱剡溪傍

涉世痴何甚休官老自應閑縱今野鶴榮念已春水頻報

宣麻相新交辟穀僧微吟時得句此外別無能

僧宗一近贈予休糧藥

買宅嚴滩上幽栖十載餘共憐翁失馬獨喜我知魚賓客

千鍾酒兒郎萬卷書須移歛州佳緣此是鄉居

年將盈六袞禮尚記三加北闕昔分竹東陵今種瓜閑吟

聊復尔爛醉豈知他海內能詩者時來問我家

四十載錢塘詩狂復酒狂湖山空御苑市井尚官粧治肆

清禪剎勳門賣節堂歸來念前事朽骨果誰香

艷冶千金笑喧呼六博投不因枕枕寤來暇草堂謀啖菜

貧猶健簪花老自羞五更山酒醒何樂亦何憂

薄俗多端忤殘生底事成十年驚鶴化萬里厭鵬程能保

中心定懸知外物輕祗嫌覓句苦四海有詩名

倚樓趙公子可而共詩評道故無終極文須有主盟轟雷

春蚤動貫月夜珠明高作令吾愧銷光更屏声
樂天在知命行止豈人能元亮歸廬阜延之牧始興時才
宜政柄老我只詩朋何日携君手西湖共訪僧
曾醉春後喜晴正見山西歸向春和詩
挈身歸臥萬山中多謝燈花夜紅老病面顏開喜色雪
霜天地轉春風菜鮮菜脆深杯酌衾汗鞋泥慢火烘寬着
心腸任時運一頑能禦百夏攻

除夕前大雨雪立春已八日

行園似覺褐袍單揀好梅枝仔細看節近年多雨雪客
來草三治杯盤故知更事無如老豈謂交春便不寒氣教

已迴終是好明朝紅日上雲端

除夕前一日記事

殘臘先班隔歲春忽五十九年人一朝一幕即除夜萬
是萬非餘病身老子附炉無柰癢小兒索紙卒難嗔僕衫
婢粉猶閑事欠餽時官欠飲鄰

錢塘人來

宿收家信醉慵開早報潮舡泊岸隈釣瀨兒將詩篋至錢
塘人索酒錢東道途奔走動千里時節挨排聊一杯新歲
雪晴看吾圃欽城亦有馬城梅

歲除

親情鄰里喜歸來依舊柴門僻處開縱是桃符無可筆未
妨菜餅亦堪杯着寬毛褐現殘雪洗古銅壺浸老梅賀客
明朝有詩客踏青同而眺春臺
郡送桃符戲書
狂顏如豪拙似痴人難忍者我能之六句老境三椽屋四
海虛名萬首詩不惜黃金償酒債猶將白髮綴花枝見孫
十輩誰家有心事唯應造物知

乙酉元日

摩挲老面受春風肯為吹將鬢雪融自合居鄉充父老尚
堪開學教兒童官身歷險元如夢詩律從寬漸不工有芝

可羨花可賞未妨日三酒頻中

次韻劉元輝元日

九十日春已十日清晨閑步小園中池痕欲漲去年水柳
色漸迴東畔風砥道歌游全似夢專樂生花本無窮陰晴
寒暖頗占相世事唯宜歲事豐古晉曹參心西二在尚
正月十日始晴
總歷堯符漫告新添肌蓬鬢轉成陳暮年多病全無賴積
雨初晴畧似春香火荒山猶古廟兵戈故國僅遺民承平
舊俗吾能憶差勝如今一輩人

元夕晴

漸暖風煙添軟媚新晴草木眩光晶天迴地轉春猶在物
是人非意自驚晚輩未宜欺老病早年猶及見昇平山城
舊雨錢塘似燈火笙歌徹五更
約客未至偶書
一半溪梅點綠苔妖紅移向小桃開稍晴欲暖春猶嫩解
賞能吟客肯來少頃焉知千萬古吾曹難少兩三杯嘶驄
未到柴門靜蛺蝶雙飛去又迴

葺圃

山水清音屢見招經工尋壑尚逍遙宅門南北双桐木籬
徑高低万菊苗特創小亭觀薜石待穿枯沼架茆橋忽思

虛幻何苦空將百慮焦

春晴

饗風虐雪到家林才喜春晴春已深花片紛々飛蝶乱樹
陰漸々早蟬吟貧寧不仕元知命老尚能詩懶用心忽喜

客來對碁局旋沽村酒與同斟

一笑

棘為籬落板為扉堂上春山碧四圍前後相承花百種往
來自在燕雙飛賣田不耻目償債耽酒無厭更典衣人道
家貧詩却富先生一笑久忘机

頻醉

紅塵謫墮侍晨仙屈指明年六十年身後不營埋骨地春
來頻醉賞花天屢聞漢相誅東市深羨周農服下田烜赫
豈如常寂靜山中幸有酒如泉衆

轉歲暮春日俳體

氣至時來物不違小園閑步見天机荷錢欲出鳴蛙出柳
絮才飛乳燕飛屋少地寬何不可家貧春好未全非莫欺
白髮渾如雪杯到猶能疾手揮

二月十五晚吳江二親携酒

今日山城好事新客來誇說齒生津喜晴郊外多游女婦
暮溪邊盡醉人鮮笋紫泥聞玉版辜負碧柳貫金麟一壺

就請衰翁飲亦与花朝報答春

四十一
春日小園即事十首

開園草二次樓臺一紀干戈憂裏迴盡失牡丹三百本新
移初見一枝開

小亭新築賞天香恍惚春風舊洛陽人道此翁畦菜手元
來亦解種姚黃

長憶江湖看雨時插天掛尾玉龍垂歸來老手人無用養
小魚蝦掘小池

摘花不恤種花難幾日工夫一日殘最是花留不得不
如只種菜花看

城中誰道有花村吟出園門醉入門共笑老人騎老馬病
身俱瘦壯心存
傍宅荒山幾許長
堯夫芸子縱牛羊何當盡
而栽桃李疊
石周遭築短牆
頽然無用一慙痴
雖老元來未可欺
鼻涕垂頤病擁塞
出
花香處最先知
蒔藥移花撰石名
稍加心匠可經營
天真不假人為力
綠
樹啼鴛一兩聲
四十九時初作郡
帆風笠雨十餘年
野花山鳥應相笑
依舊歸來無一錢

身隱山中聊復尔詩傳海外豈其然
問日有人携酒

惱如天亦醉眠

問政山拜墓

五十年前幼學時
登山諸父許追隨
兩人兄弟身俱老
萬古乾坤事可知
守墓鄰翁姑與酒
傳家後嗣孰能詩
獻花
餽笋爭歡醉風樹
茫茫意自悲

飲興道觀有感
五首

十萬長松五百年
今其餘幾亦堪憐
霓旌恍惚剛氣外
藥殿崔嵬劫火前
題墨八分吾獨識
藏丹九轉後誰傳
山中
是事皆非昔
惟見新墳掛紙錢

仙洞春深長薜蘿杜鵑花發蕙風和善門有後澆松早貧
戶無憂賣笋多萬古銷沉終塚墓二儀開闢幾干戈情知
來去皆非寔醉後猶能作此歌
戍壘見即意氣雄群腰刀斧薄榛叢尋真亭外長松火
斗壇荒苦竹空菜色可憐窮道士樵歌不見舊鄰翁存亡
得喪知何極天地悠悠感慨中
山門薜獸石嶙峋三耳翁今去幾春蟻蟻而誰頻作夢茨
苓應更長如人土饅頭裏無仙骨金僕姑追尚戰塵焉得
亦如酒家叟一茅應住自由身
爾時儒者定應無問政胡為不問儒五代亂離千血陣萬

山深香一丹炉能容隱避猶難必遽謂飛昇豈不誣我欲
卜鄰即避俗未須跳入長房壺

送諱學新教授大中

魯國多逢掖周官設象胥精言通九諱博學本三餘職冷
冰相似心清水不如負才宜大用別有腹中書

醑醑盛開二絕

羅雀開門未寂寥小園花事自春饒日葵霜菊餘千本
有醑醑十萬條

雪色聯飛蝶過廊烏衣交語燕歸梁醑醑花下午醒解春
靜人閑白日長

清入關白字舟亭新成賦十絕

岸人膽落傍舡看
龍吐鯨吞一葉寒
鬼怕神官莫狂蕩
靈臺無愧自平安

南北東西四面看
舡軒雖窄自心寬
永無金馬門邊夢
有黃牛峽裏灘

春濃面三透花香
秋皎團三轉月光
窓戶捲空天是壁
如吾肺腑沒遮藏

六丈虛寔相為用
二位高卑各有宜
順撫說随心不爽
風漂羅刹有還時

傍石橫陳八柱亭
一蓬栢矮似舡形
松聲浪作風濤吼
何

處風濤不慣經

心許天知不媿天
酣風醉月仰天眠
自疑畧似知章馬
人道還如太乙蓮

不須有客問張憑
且要無人覓庾冰
好是夜寒風浪靜
月明空載一孤僧

人間踏地有風波
歸老山林莫問他
身是我舡心是柁
早尋岸泊柰濃何

向來人喚老梢工
解使帆檣八面風
今日釣魚亦無力
劣能聽雨臥舡篷

不待圓

柁梁燕乳春聲豫細

玩天机坐此亭

謝張慵庵文煥見訪

兩年夢寐記水姿再挹丰標勝舊時形穢自憐吾更老味
同乃幸獨相知坐花野竹頻移座薄酒清茶共說詩晚色
柴門掛新月玉駝欲上步猶遲

贈數學吳桂子

先天有數妙著龜說鬼誇神滿卷詩獨一許翁可吾意預
占晴色賞餘醪許堯舉詩如此

春晚雜興十二首

七年守郡罷三年賣盡山中五頃田書籍可捐衣可典猶

能醉面仰看天

林下蕭然一秃翁吟髭全白醉顏紅米鹽薪炭時時絕自

古人詩例合窮

賣茶猶說有征訊蕨菜何為入市稀往來提籃採山者怕

逢猛虎竟空歸

午亭春醉聳吟肩終是風流不愧天屑麥詞酥慢熬火壯

丹花共菊芽煎

漫浪桐江一把麾往來今積十年詩次山自序春陵集豈

望夔州杜二知

豈有聊溪父老錢無朝無暮在樽前櫻莢豌豆分兒女草

草春風又一年
隨分栽荒復種花
逐時溫酒又煎茶
兩見能售嚴州屋
便可歸來共一家
可歸來共一家
兀羸老馬尚堪騎
象笏金章已屬誰
誰政使死時無一物
清心壯膽有天知
溪魚山筍佐新筍
大勝長安上酒樓
春老猶寒宿醒因
醉花下攤綿裘
桐花落盡熱朱櫻
無教珍禽繞樹鳴
繡羽翠矜政堪玩
伊誰輕着彈丸驚
城市塵埃不見詩
西村東塢可尋誰
夏前十日嘗新麥
政

是江南最好處
芳草茸茸沒屐深
清和天氣潤園林
霏微小雨初晴處
暗數青梅立樹陰

漫興九首

索文僧送紙賭酒客爭棋
定要全無事何由更有詩
老豈堪從仕窮應不為詩
死生元有命病亦莫求醫
我欲培脩竹新添笋幾根
徘徊看不已愛惜似見孫
半落醅釀雪微舒芍藥丹
薰風交割近持地更春寒
靜院幽花馥空庭皓月明
春寒夜更好未有一虫鳴
索菓嬌兒怒肺羨老僕頑
欲喚仍復笑掩卷看南山

袍絮元堪換柴錢久未還有人來問字賒酒醉花間
淡齏陶大麥甘酪荐舍堯風調誰優劣田家似頗高
欲跨羸驂去江村訪酒家扶頭元阿堵肯聽錦囊賒

殘春感事十首

寒暑元如故乾坤豈不寬時情工刻薄生理轉艱難
諸兒笑終憑後代看淵明詠貧士感慨異悲酸
守郡艱危日還家老病時僮奴驚逝謝賓客聽分離
草泥霑手煎茶火燎毘固窮終不怨百鍊出新詩
青簡具亡驟蒼規代謝頻懸知千古恨政似一年春
甫換鐘虺舊俄聞杜宇新梨花自寒食誰耐石麒麟

登高：處望萬嶂一溪橫不滿千家市今休十載兵
訓孤號永夜猛虎迫荒城此亦閨人事憂端未易平

學易何須博乾坤第一爻兩儀能細察万象已并包
枯結供羸馬纖鱗餽乳猫吾哀有三韭端勝易牙庖

菓熟携竿撲禽鳴扶彈窺自憐多病叟无奈近鄰兒
排闥寧容鎖踰垣更問誰牡丹才半拆摘去最紅枝

底用春風急詩肩暖亦寒見曹如笋長吾事只梅酸
後死猶容健餘生愈覺難一瓢自窮巷何止此堪嘆

春雨溪橋斷才晴又淺流端能操古節何至墮窮愁
馮衍嘗為郡田豐不願侯吾見猶未解餘子復奚尤

務磔禽穿戶延緣蟻上衣雨來山氣潤花過樹陰肥去
春如夢行二暮獨歸偶无賓友至自取一杯禪

身起真寒士名成老腐儒暫時金馬署終世石魚湖舊種
花猶有新畬粟已无傍人憂餓死吾自典衣酤

次韻送張文煥

廊廟端非岩壑姿慵庵未是可慵時浮榮故自无心向素
抱其如有已知天上要途終一武紅南絕景已千詩欲從
遠祖赤松子小待功成亦未遲

深愧衰殘蒲柳姿忽思同眺萬山時各將谷雨崖烟寫獨
許溪鷗野鷺知兩載再逢憐我老五更不寐和公詩頭聞

事業如房杜一曲清商自尉遲

芍藥十叢近千藥客飲散一夕而空

雖微夙物似揚州重粟初紅已遽休挿戴端且誰粉面奪
攘無柰衆蒼頭未知相謔真何謂不許當階畧少留玉爵
彩雲暗往事可因尤物作閑愁

惜芍藥再賦

元方除却牡丹兄俗紫凡紅敢競名天女散花雖不染道
人養馬豈無情一芽才動看承久千藥俱空斷送輕三萬
卷書拋零落匹如風雨未須驚

計桐江續稟九卷、百首書其末

詩律中年悟嫌工更肥獨行無市語每出又空歸
黃塵頻煎藥袍衫屢換衣病身自無賴猶恐泄天機

表姪 劉東彞 謹編刊

虛谷桐江續集卷九終

虛谷桐江續集卷第十

紫陽方回 萬里

先天易吟三十首

不識第一畫羲皇運腕初憑空說儀象枉着汗牛書

舜禹昔禪位曾將易問著即知重八卦已自伏羲時

高下乾坤位東西日月門正身當午立一點認心源 方位圖

太極元無物即生性命根一竒仍一隅萬象滿乾坤 初畫起

四象寫少老兩儀書偶竒四從兩上判惟一邵翁知 二畫分

八卦各為八枝從幹上橫厥初有何物萬物一根生 三畫加六

畫橫圖

鐘律及星曆軍師兼井田方圓兩圖在萬古立釐天圖內外

圖

從來二生四誰謂二生三迷路求玄北精微未許探天地生物

易象體之加一倍法二四八老子謂二生三非也玄北之門似謂太極亦非也故朱子曰一每生二

首言天地易次語贊叢皇繫傳誰精玩先看第一章

謂天地易乾坤定矣謂伏羲易早高以陳而下微此第一章便合細玩也

子半至午半南方旋北方往來分逆順治亂判陰陽

自子而午震離兌乾治之象知來者逆自午至子巽坎艮坤亂之象當背北面南現之即見順逆康節先天圖即此

有畫無言語斯文豈易知人心對天一更向畫前窺謂天一

中分造化人於心上起經倫

天地有定位地天陽春三更於適氣處細認澤山咸

乾坤坎離位元會運世篇三百六十歲才似一周年十二世象

十二月北而南為治平而子反之

瀛登唐治日奎聚宋興年子午復南北一声啼杜鵑

包六甲子半治半亂宋乾德迄今又六甲子中經南人用事南禽隨氣過北而亂

圓象天儀轉方俾地里分獨超形器外寂感一靈君

河圖天地數五與十居中所拱中一點心為八位宗

六爻六畫後六位六虛中此處曾着眼玄哉无極翁未有六畫

為爻先有六虛為位即无極也

萬世復萬世人心無改時此理本非古伏羲先得之

南復萬世入心無陰行不有聖賢作焉能否處身北氣自

仁愛下民則生聖賢以

先覺欲覺後三峰列四圖求精由蘊入言說本來死周子語聖

人之精畫卦以示謂先天也聖人之蘊曰卦以發

心法先天易盡於離佳求倘非明出地長夜使人愁八卦皆心

法也乾健坤順為心之仁義離明其无心之赫然而先者
乎天地日月星非日无光日之出也旦氣清明乃心之全体
也離外明坎內明坎水根
陽又所以為心之本體

天地固於氣聖賢脩此心範圍非有許生眾尚斯今

水旱堯湯有先天教可推聖君得賢相離是太平時

神農嘗毒藥軒后設難經認取卦中意仁心救未形必未

有此病而預定伐病之藥制治病
之方本草素問難經心先天易也

水平民不溺穀播世無飢氣數如寒暑能無理轉移

誰識婦竒意專為禦患謀將寒儲續絮未暮貯膏油

兩重三畫卦半束百莖著避就殊凶吉元二巧每竒

畫處本天地占時通鬼神自然大道理絲髮不由人

嗜慾損為益榮華降是升圓圖現起處生意伏陰凝

獨妙先天學恭惟擊壤翁返現心是易萬化出胸中

後天易吟三十首

萬古未來事先天逆已知卦中無不却要役天推

位項分對待氣即驗流行義休兼用俱由造化生

世治當無亂民安永不危尚須西伯演畫義可無之
易名緣變易周義取周流出震始終艮 於此處求周流

義與歸藏二字同謂為周家之易先儒似未攷也

震位東方木胡為以帝言一芽現出處主宰見天根

萬物皆相見文明午日中聖人南面立品彙各亨通

兌降何言說秋成看水田黃雲萬頃滋潤作豐年兌止水田亦然

天一寔生水又藏坎次乾精神要休養醞釀出春天

萬物天為大中間地次之成功付諸子父母似無為康節以退

乾西北退坤西南為不用之地而謂六子代父母程子不甚然之曰謂天運行於上地發生於下日夜不息非死為也六子乃天地之妙用天地不自以為功而付諸六子則似乎無為耳已成功者君逸而臣勞然君豈可逸哉

雷風火澤水獨艮不言山朔易指方位萬形消息間易卦

不同文王易以六子為用動梳滌說潤言氣也艮不言山而言終始指其方位而言也物有終復有始藏于坎方終于艮位而始則又起乎此然後于震而出焉形氣道理各有所為而言

君知己似嗣音義古來同萬物生相續南薰鼓翼風

役物至未極分明土王時嗣火孕金氣秋成方在茲

陽生在十月亥謂之天門戰手執者物乾寔戰於坤

八列方隅位四周分至時畫疆具庶務地矩圓天規

宗廟烝嘗禮朝廷覲見儀無窮天下事不過似農時

細玩文王卦如何法地方田從一井起鄉遂及要荒

現身不見背動体悉由心向陽負陰處離坎細推尋

次謙終以巽九卦至三陳聖人有憂患何況是凡人
元亨猶利正始可用統乾末了一貞字何由保性天
身到離時見貞從坎處來歸根培養熟方解鼓風雷
背於身不見亦不見庭人物我俱无而方知止處真
乾坤始開闢六坎首經綸士不知憂患焉能免世氛
始屯終未濟世故信多艱繼坎剛中吉周旋險難間
彖辭六十四三十四言貞幹事非正固難求心外亨
嘉雖不願貞固士之常乾体充剛健坤文認真万
祖考精神散子孫能聚之淫祠祭非鬼卒渙義何居
卦之凶者五否剥未濟三如始而婦妹深防女敗男

女始一
女五

陽婦妹火
女說老陽

易經之下奏何以始恒咸貞女家人利如詩有二南

二五時難遇沉淪下位多乾潛而坤履退謹養天和

學者欲學易當觀美里時如何是敬字恐俱畏憂危

敬入敬之訓恐也懼也畏也憂也危也如戒懼如貞固如
端：慄：戰：兢：皆是也易所以處患難窮困者也

大衍易吟四十首

卦下現一彖卦中求六爻今人僅知此着眼末為高今人

只解得六十四彖三百八十四爻大綱領全
不通悟即將易作四百八十四事看而已

太極元无極先天異後天今人不識此讀易豈其然

謂今三畫卦不自偶奇生便指三為八徒勞口舌爭伏義
畫卦

自一奇一偶始是為兩儀而後生四象生八卦惟邵康節識之朱文公申明之諸儒皆謂一下手便畫成八箇三畫卦所以解太極儀象全不通了如葉水心習學記言強辨蓋全元識也

乾坤用九六義例析為三朱子申歐說開編請細探用九六不用七八一也九用九不可為首九用天六項永貞二也占得乾六爻俱變則用此元首之說即乾之坤也坤卦做此諸儒不曉惟歐陽公知之朱子申明之呂西叔亦曉也

陽爻極六位進退貴因時德則何憂亢神而可不知

六陰升已極坤下戰爭乾建亥陽生處居然復卦前易所謂戰爭乾曰陰陽相薄者蓋剝于上則復于下剝卦至十月半方盡十月半則陽已生矣故曰戰而坤之上六亦有龍戰之象至十一月半復卦成後天易處乾于亥曰天門而居坤之位乃坤中伏乾也十月之曰陽月亦本乎此

用九不為首陽畫位屯初百八十五變剛爻可捨諸第一

爻以剛陽應四之柔是謂以貴下賤即用九元首之義聖人於此發一百八十六陽爻之例也

十年女乃字守節以勝情九諸卦用六現茲利永貞二屯六

又以百八十六陰爻之首聖人于此

屯初康險雜蒙上覺昏童開闢乾坤後君師大有功君道

蒙上師道大象經倫果育亦然所以維乾坤也

德盛時逢險乾剛坎在前諺云姑少待樂飲豈徒然

訟吉觀西伯師中驗太公得人師不戰反已訟無終

小畜過無坎胡為以雨云互現巽兌澤止水亦興雲互此言

雨之象小過死坎而小畜二剛乘兌小過當兌口皆為雲

履若蹈虎尾五剛亨厥躬乾三獨柔是以啞人凶

盛夏靡草死歲寒松柏貞泰須防敗復否有大入亨

大有同人盛離柔寓戒辭无威斯近弱廣即為私

謙卑六位得豫樂四爻非莊敬而安肆冥二禍福机豫二四吉

外自樂之

泰變即為盛否變僅為隨元祐紹聖事至今心骨悲

俯下知臨吉其如仰觀何相孚不待薦一盥已為多以上

謂之臨王知柔中有應可矣以下仰上謂之觀五剛中而

孚如祭祀燕享不待荐爵俎而後為敬一盥手之頃民已

知其為敬之至矣言化之速也離明用獄四噬嗑賁旅豐中孚夾離卦兩畫玩虛中易道

五卦言獄事其四取離中

剥三與復四脊皆處五陰中自拔棄其類吾唯道是從

仁道成已極体元乾長人獨休不遠復當且學回仁四獨

休復所謂從道下仁從乎

初下乎初也初顏子也午月至子復書云七日来六日七分說觀天何溢哉午至

月而為復子至午七月而為始聖人書復之七日不書始

喜陽來也京房卦氣六日七分說甚巧曆家一事不足

以盡易之理无妄均所而大畜患不多性豈無知者心如未盡何

艮上戒舌駟震初羞指龜細觀頤内外口是禍之門

大過本末弱厄運逢瞞奴文舉有死耳淵明其婦乎

習坎德天險重離文日新明內始照外身心方發身水內明

咸取男下女恒言婦事夫始感終當君臣其謹諸
始陰進不已吾避其奚言陽壯過於泰虞弒觸藩

夜闇勿遽滅畫光無疾行自昭惟進德用晦豈傷明

一女卦反對不同而後同始知天下事苟合最為凶

二女鳴吉喜凶承
鬼之怪遇雨而亡故云

在險惟反已出險即及人讓夷急病者蹇解二忠臣

損其不善者惟善則益之自然獲天祐可受十朋龜

五王復唐祚不殺武三思覓陸察文義惜哉張東之

六籍火未熄龍興芒碭雲呼韓朝渭上已納王政君

原筮而後比死疑方可升不食非井患有言奚困亨

謂復
四卦
皆自

守之
義

震動對艮止草故繼鼎新飲碎隨時義天机信屈伸

屢厄未濟旅難逢既濟豐巽謙能自降蹇困詎為窮

易乃一量秤銖分重輕百十億萬事義理是推衡

全卦定凶吉逐爻殊否滅頃刻有變易縱橫无典常

凶人凶其吉人吉其凶曳輪能自信揲策勿求通

皇谷師五歸集卷十終

虛谷桐江續集卷十終

山人其吉二人吉甥在曾姪孫汪言於庚芝亦謹編

虛谷桐江續集卷第十一

紫陽方回萬里

醉翁亭圖引為趙達夫作

識本色人須本色臭味論心不論迹青蓮居士浣花老畫
像有人能畫得非陳無已黃魯直看畫題詩雜落筆醉翁
萬代文章伯中年偶墮滁陽謫琅琊山亭釀泉酒翁心不
醉七賓客慶歷朝廷天清明誰張黨論搖昇平禽鳴不知
人之樂黨論無乃猶禽鳴一時人樂從太守交錯觥籌送
杯酒樂其所樂翁來思賓客誰詳終不知既是賓客尚不
知畫工焉得而畫之彼奕者奕射者射搖毫臆度丹青解

醉翁醉態尚難摹翁心樂處如何畫皆山一曲吾能歌童
而習之今鬢皤翰墨世無蘇老坡奈此圖中風景何陳後山字
無己山谷集有字說謂無我而師道也

讀張功父南湖集并序

詩至于老杜而集大成陳子昂沈佺期宋之
崑工之極莫如唐李以益九僧三百五篇有
麗者有工者初非有意於麗與工也風賦比
興情緣事起云耳而麗之極工之極非所以
言詩也謂如老杜七言律詩魚吹細浪搖歌

扇燕蹴飛花落舞筵自去自来堂上燕相親
相近水中鷗林花着兩臉脂落水荇牽風翠
帶長風含翠篠娟娟靜雨裊紅蕖冉冉香學
者能學此句未足為雄撲棗詩云不為困窮
寧有此祇綠恐俱轉頰親憶梅詩云幸不折
來傷歲暮若為看去乱御愁春菜詩云巫峽
寒江那對眼杜陵野老不勝悲送僧詩云念
我能書數字至將詩不必萬人傳此等詩不
麗不工瘦硬枯勁一翰萬鈞惟山谷後山簡
齋得此活法又各以其教萬卷之心自氣力

鼓舞跳盪初學晚生不深於詩而驟讀之則
不見奧妙不知雋永乃獨喜許丁卯休作偶
儷無媚態予平生不然之而江河友朋未易
以口舌爭也乾淳以來稱尤楊范陸而蕭千
巖東夫姜梅山邦傑張南湖功夫亦相伯仲
梁溪之嬌淡細潤誠齊之飛動馳御石湖之
典雅標致放翁之豪蕩豐腴各擅一長千巖
格高而意若梅山律熟而語新南湖生於紹
興癸酉循忠烈王之曾孫近得其前集二十
五卷三千餘首嘉定庚午自序蓋所謂得活

法於誠齋者生長於富貴之門葦藪之下而
詩不尚麗亦不務工洪景廬謂功夫深目而

予謂其詩亦猶其為人也溪清花鴨聚岸
綠草虫多燕子初歸曾識面牡丹未放已知
名不知何人以朱筆加點專取此等句予亦
謂不然且如人生守定梅花死此自殊佳何
人輒用朱筆圈改予竊謂朱筆之人未得所
謂止法眼藏也功夫預謀誅韓而史忌之韓
既誅即有桐川之謫後得歸坐前憾謫死象
臺天下寬之言官程松嘗論功夫謂將家子

強吟小詩此乃刻薄無忌憚之言不足而較
其詩活法妙處予未能盡舉當續書之今且
題八句以寄予心

生長勳門富貴中
批糠將相以詩雄
端能活法忝誠叟
更覺豪才類放翁
舉似令人誰肯信
元來妙處不全工
登金組繡同時客
合向南湖立下風

功夫盡交一世名
彥詩集可攷然
南渡以來精於四六
而顯者詩輒凝滯
不足現駢語橫於
胸中無活法故也
然則紹聖詞科誤
天下士多矣

夜吟

昔遇孫真人授我服氣訣
勿讀先子書亦嘗窺秘說
受持苦不堅兩鬢忽已雪
謂當屏李累兼復斷葷血
千息燕子夜顏色日腴悅
柰何墮醉夢百病暗蟠結
出抱誰寔知俗流毋見褻
城市不可居去々之巖穴

劉元輝來三首

君宅蒲荷岸吾廬槿菊籬
相望能幾步不見動踰時
老更甘清苦閑應笑拙痴
門迎到花底御袖有新詩
浪出慚何益深居悔已遲
積憂

痴暗事

人能料出懷世不知叩門
有斯客急以酒澆之

間築舫亭就能來共看花
菴庖海物豆乳買鄰家稍可
從容飲猶當委曲賒歸途有底急不肯後昏鴉

萬山堂飲歸

追懷往者數賢侯得已經營續
脩依舊夜欄依北斗幾
番春絮委東流同游盡道山能好
半醉誰知我獨愁乃後
吾徒身亦死題詩更有昔人不
為太守饒公虎呂魏
公克愚芋文公十朋

立夏明日行園無客五首

衲朝袂暮干衫單始覺春歸不再寒
些子幽花三四畝霎
時啼鳥百千般世情落落全相背
詩律平々畧放寬連日
飲徒偶焉往自炊香蕪佐盤餐

春來何啻酒千瓶百日醺一日醒
朱筆點詩垂欲困黃

鸝啼樹急須聽雷沙不濕收微雨倚柱無言立小亭
芒屨
搗僮人一網為耘惡草莫教青

尚父佳篇而送春祇緣醉卧動經旬偶無載酒相過客始
是吟詩自在人喜見笋芽穿瓦石都忘雨點漬衣巾園林
全賴東風力莫道南風便有神

爰我竹樹愛栽花新築舫軒傍石斜古廟炷香知某客半
山搖扇望我家間看紅袖穿林去可着水紉作畫誇說似
渠儂應未信詩翁煩惱政如麻

茸圃疏畦日荷鋤六旬老叟尚何圖臥床迫夏猶毡褥宴

几經春只藥爐群竊花枝相侮易合携竹杖与驅除千金
萬卷皆捐弃更有心情計較渠

忽復荒山喚子規未歸已是臘殘時人窮怕老吾何愧夏
淺勝春古有詩草鞞紵衫并竹扇石榴罌粟又戎葵猫生
三子將喻月臥看跳嬉亦一奇

尚入封氣雨餘早起五首

燈暗窓明暖人寒破鞋不待藓痕乾惜花愛笋人誰解冒
雨行来百匝看
枝三紅藥藥頭偏應是難禁宿雨湔好物不扶三惡物已

耘死草更昂然

密樹陰、小石臺雨餘更綠幾痕苔蜗牛上到葵花頂日
出如何下得來

濃綠園林曉雨新鶯啼近樹不疑人千枝罌粟紅如錦誰
謂儂家已送春
懶照青銅雨墊巾試將敬正問傍人含羞小婢無言去應
笑髭鬚總是銀

身斷詩成感

栽培喻一紀補苴又三年樹倚根株在花憑種子傳齋移
随变幻顛倒恣頗偏縱不經兵章誰能保十全

早起
寤曙書燈暗閑居免報衙爭鳴百舌鳥各占一枝花寢內
現猶睡厨中物未賒露寒衫袖濕倚遍石欄斜

感昔

古郡峯巒擁吾家望最奇水凝無去處樹以不陰時峴首
名猶在西州意自悲典刑與風景寧復後人知此為舊
知已

回愚

人云回也樂愚亦定何如瘠產今無幾荒園尚有餘離騷
香草木爾雅古虫臭名教誰能記年來懶著書

感歎三首

浪說千軍戰空登二紀名乾坤恩甚大毫髮事無成長日
柴門掩閑人俗恨輕窈花無力護笑道近專城

長歌歸去未無乃已遲哉遇事伴如瞖從人喚作獸胡僧
需酒肉成卒借亭臺豈不二千石閑居自可怡
孰識維摩病猶疑子夏肥少曾逢順境動輒履危机奕局
兩斜濕吟牋風急飛夜寒逢惡客酒盡未云歸

觀圃

行々觀我圃物理析秋毫日夜新花發春秋老樹高力耕
何所獲甕灌未為勞天地一樽酒螟蛉爾曹

首夏二首

曬繭未繰絲晴天麥最宜樹陰常獨立禽語不我疑苦笋
烹勝肉新茶喚醒脾薰風吹此句突過一春詩

寒燠分時序生成績化工竊遲登麥日肯怨落花風春氣
何曾絕天机豈易窮誰云老圃淡早著石榴紅

次韻齋君淵見過近棄將印

從容談笑獵文場焉用推鋒更挽強政使成功能裂土未
如聞道許登堂勇捐將印機心息深隱書惟古味長我亦
暮年懶干祿肯未同醉簡編香

次韻唐師善見寄

聞風足使鄙夫寬家世言詩自杏壇萬卷古書伴藏室十

年深谷隱王官大材益厚梗楠植至寶終垂琬琰刊媿我

老衰已無力青雲中道鏃飛翰

歸來教畝小園寬風有軒櫺月有壇總為才疎能忤俗兼

緣興盡合休官空山老死知無補往代興亡稍欲刊洛下

寄書籍黃犬尊鱸終恐愧張翰

次韻陳正之團扇畫一魚二首

莫想銀絲膾冰盤一醉吞好為玉帶佩朝謁九重門

妙得濠梁趣任公悟肯吞泓泉如有待頭角上天門

送前欽點楚五首思義

欽山瘦露骨欽水清

欽清瘦又意而山水淡居官

儉以廉飯茹或不

官卒難

偃破毡凍僮僅絳

補羸馬缺灌啖客至碁一局無容書自覽俗育鬼神聾
徒肆豪敢害盈殊不驗君子例坎墀九閩今可排勿待雪
生領去、翔天衢離別何足慘

歛三萬戶多黥戶減半少君才宜大用何乃易而小易邑
不易心千江一月皎歛民時有謠奪堇茹我蓼黥產足簡
布麗綌自纏繞黥之酒良佳樽中無清醪歸來臥城東債
閣臨木杪唯有一卷梅古色暗錦襟高官躍大馬鼓吹日
擾、廉吏無人知酸吟夜連曉
吏方居官時美譽無不有及乎惡聲出乃在解官後有勢

易為好無勢易為醜萬事要諸終公論翻覆手請看楚大
夫得代數年久兩邑父老言至今不改口予決未始私餽
獻無所受不為病留此熟官已唾取昂貴何足云人當論
賢否黥歛君桐鄉此亦足不休

天王理萬國勢必委諸吏製字從一史執法不可二柰何
雍也面胷臆伏私意兩訟一求捷兩役一求避含糊卒未
決徐、較餽遺酒菓若羔鴈書畫及幣器到官一物無去
官百需備此縣而彼縣大率不相異獨有莒縣尹不肯作
此事無錢買婦舟僕馬亦顯額

儒者書隱公昔持浙西節按

溪令聞者膽為裂先聲

到江東庶亦有旌別似聞復
中駁之管嘆古君可持我
詩叩門細自列貪吏劇百巧廉吏抱一拙、廉名弗彰巧
貪位架竊何啻萬蚊蚤日啞生民血我老死已近分甘糧
欲絕此公能薦君長鬣幸未雪

戲書

萬有非真偶有之倏無合悟本無時伯夷季札輕千乘肯
看春風護柳枝

詩思

野眺荒山外詩愁細雨中肯令一字俗已拚百年窮病體
皮膚皴寒庖糗餽空我葵獨何事故作向人紅

百憂

病骨真如削耕疇已盡捐終隨萬形弊何用百憂煎常肯
事如意恐無詩可傳屈伸判成敗吾亦聽之天

解悶

苦吟成癖習多難迫衰年生理終無賴詩名似許專剛腸
百鍊勁老筆萬鈞懸得失元相半乾坤本不偏

夢作

幾年於此矣愁鬢雪垂垂已悟身為幻猶能夢作詩百骸
誰不朽一念未全衰用盡平生力唯吾影自知

灰心

志大終痴拙年衰合老成口無談世事身不要時名偶後
諸人死猶餘幾日程灰心良已是拊髀未須驚解四紙五
皆十一齊

謝康使君見訪示詩觀奕天錫慶之

妙年曾到鳳凰池五馬能臨六枳籬量淺最難勝滿酒着
依何敢抗高嵒森嚴法度蠶頭字瘦硬手標鶴膝詩自笑
書痴了無得文章太守是吾師

謝江以南借書惠來

政是黃梅欲近時山城雲滄雨垂、斷橋沒碓鷺新漲濕
藁泥荒續晚炊乞來已慚顏氏帖賣書還笑杜陵詩廣文

絕少克枵甑更肯芸籤借一鴟

一作鴟夷
皆酒器以盛書

三吊吟四首并序

近有陳印書一夕醉死有姚梢工以小舟下
汝淮鄰家僮浴馬犯漲潦昏溺死予聞之為
三吊吟其一三吊吟其四則嘆夫兵死者之衆而世人莫
之憫云

市有印書更日印可千紙間得工墨錢苟足贖妻子追欲
後其人告者謂已死醉歌夜徹曉熟臥呼不起人鬼頃刻
分火葬骨骸燬豈不謂達生誰獨能免此
險有不可測能有不可恃善波濤篙工死於水歛南

百里許有淮一何敢昨日索我書辭我庭下跪明日淪水
舟膚髮飮鱸鮑寄言得志者傲倖未必足

湍溪漲梅潦一夕十丈強愚哉浴馬僮視之如尋常高岸
一失足馬尚能騰驤僮屍不可得漂流落何鄉握轡徒自
謹墮穿已足傷人間平坦路途亦亦有海洋

偶聞一人死惻怛所以驚千人萬人死能不愴厥情長平
幾性命銳頭付一坑亡者抱永痛勝喜功名成功名豈不
成机心何時平人心苟若此誰謂天好生

夏日

多病情懷懶新晴草木光倦骸扶老瘦幽徑息陰涼家瘠

盤餐儉村荒糴價昂豈無憂者得句暫能忘

說詩

蓋髮侵尋落風霜取次秋口頰湔乳具川合向東流沈宗
中嘗悔江湖晚更羞此聲專老杜猶俟到夔州

晨起二首

近市招醫士空庖督爨奴羶葷猶可絕藥餌豈容無既欲
營猶飯仍當續馬芻晨興百需缺獨喜見吾雛
蚊蚤宵為梗葵榴晚可現偶無醒待解自覺寢難安深癖
穿蒙毳出陰度屈盤忽驚一點

髮間寒

日長三十韻寄趙賓陽

栗里淵明徑橙林子美堂乱離 不死窮乏果何傷紅粒
炊私飯青藜煮菜湯甲兵才偃息城市轉荒凉最苦樵蘇
貴曾微粟餌良頗仍賒酒飲卒急賣書償敗絮熏還曝龐
浴洗更漿炎蒸雖漸迫寒冷尚宜防淪茗微羹盞包梨集
紙囊頭昏脩菊枕膚汗拭藤床困倦成哀懦疎慵欠激昂
底空需馬藁碓淨缺雞糠思慮徒迂濶營求竟渺茫憶兒
覩燕乳懷友聽鶯吭守分甘丘壑逢時付廟廊骨骸同朽
腐名字孰芬香但握鋤犂柄終逃鉄鉞鉗交游多豎褐談
話止農桑應俗循中道願生寶秘方鄰僧營藏字俠士戲
毬場角武焉能徃摘文或可當病稀摩詰問歌類接輿狂

舉世嘲痴叔何人識浸即北轅迴朔漠南棹輟沅湘詎氣
知猶壯顏齡惧不遑六旬過眼電萬事滿願霜静樂非無
動閑遊却似芒連苔移巨石帶露敷新篁天地詩人火山
林夏日長此心無別路一武到羲黃

近隣寺僧求為撰藏
殿疏予家近山其上

日有武
士擊毬

次韻謝胡子游學正二首 咏

瞻紫陽山日仰高此翁暮景亦云勞一爻變卦逢初遯萬
古哀心寄續騷倬彼大賢猶蠖屈矧予小枝僅蟬號竹林
書在君能讀不厭千週更百遭

泮宮分席佐邦侯免使詩人諷不求九轉定應能點鐵一

泓何可看吞舟稍知今是山林晚獨柰無哀水月流徑欲
為君賦招隱朝簪窈恐未容抽

讀子游近詩復次前韻二首

江河流葦互相高刻楮搏沙漫自勞孰肯剖腸瀟垢滓始
能落筆近風騷通疏障礙河東注別扶幽微鬼夜號漢魏
以來教人耳曲頤和寡始為遭

射至于候又中候盍求諸已勿求人欲升海底珊瑚樹不
籍沙邊舴艋舟急要瑳磨刪俚語可容藻鑑徇常流端能
過我論茲事一聽盆繅紉、抽

次韻汪以南間居漫吟十首并序

以南廣文見教十詠其一間居觀元工閭往
古而厭世故也其二太白真天才望黃山而
懷謫仙也其三采芙蓉花借芳卉以諭養
心也其四大雅久不聞思古文而美昌黎也
其五為詩必知道沂騷雅而嘆近作也其六
園木蘭樹想甘露而嚙華池也其七三才
具方寸求諸內而養黃庭也其八聖門大於
海言聖門之无弄人也其九仙都着兩翁謂
康使君為文章伯一翁可也以予並稱兩翁
末也其十百川必歸海悟夫運世變之代謝

而從心以自適也謹依韻和呈而意或有不
能必同者焉

恭惟天地心物：息相禪詩人卜豐年生意寓雪霰彼但
言其消譬夢幻泡電痴憫祖公賦忿斥蝸國戰焉知往聖
作視世豈郵傳嚮明贊化育司牧必南面寸舟對上穹退
以學自練至其出為物遇暘忍不扇吾目故未嘗此道若
有見自養非所養焉敢事荒蕪

渴心望古人無井可不鑿但勤駕馬駕定勝屠門嚼長懷
謫仙翁英爽謝冥漠茲山肯神游曷日旌旌落恍惚琴高
魚飄搖子晉鶴空餘泣鬼詩光燄耿如昨昇天人有分換

骨豈無藥故禹化維大此語君勿噉讀書三萬卷太白亦
可學

采芑采于田采斤采于水豈弟君子心作人豈異此神農
昔嘗藥志在起人死百皇一樂育亦如嘗藥然醫國得一
士億萬性命懸詭誕王母堯幻虛太華運孰為返魂草足
扶天地顛嗟：燕昭王海上求神仙不務長爾國徒欲長
爾年

何人不骸骨龍蟻共一朽聖賢獨不死天若顧之厚太昊
初畫卦迄周興井柳經制斯大倫中墜賴魯史立言棟網
常萬古絕夷醜荀揚猶微疵晚出揭韓斗力禦異端侮聖

門儼先後末學能臻茲身况譽常有

晋季有詩人忽如古伯夷其人果為誰請讀淵明 同時

顏謝流望風悉披靡東汗西陌間黍稷何疑 烹葵酌濁
醪世味無復美百萬呼盧公在為寄奴死漫仕心未安託
辭避郵史自挽何謂亡宇宙而終始眷言塵纓客試問滄
浪水

夏葵蔣丹并秋菊培金莖曷不莠菽粟猶足療調飢曰予
心不然求飽何黨之傾日與傲霜志定節不移懷古睇此
物聊足耐我思不見恩澤戾崇侈事臺池矢勢一蹉跌書
堂荆棘滋豈復有緋紫走趨列宿墀小圃異金谷應無墜

接悲

占易用九六初爻交乾坤時當退且慎復命歸厥根渾天
日夜轉中星異旦昏北辰儼不動帝居華蓋尊於人是為
心君子嚴操存肯受外物汨騷擾搖精魂皇澤甦旱暵時
雨翻天盆敢不効微力先後風雷奔九閔守虎豹崇墉方
言 餒也自其分秉耒耕荒原江左瑜蓋輩豈必賢虞翻
陽網無厄羽文治無困麟一物有疾痛聖王視猶身如何
杏壇上鳴鼓攻門人材有善不善大匠嚴選檢所以獲麟
筆有秋斯有春

魚龍古仙翁諸人賴私淑五教紹虞敷六藝極周郁邦戾

絕相如異君大雅姿胡欲撤 比不願為人師老我羽也
緞棲此鷓鴣枝君當上青雲何閣巢長離

億劫日月曜萬古何江流惟有人壽短况不皆白頭石火
僅微吐草露已遽收下士惑齊物祖述逍遙游說夢悔蟻
國悟空驚蜃樓寶瓊我異是鑽仰師尼止志學至從心絕
筆於春秋相魯故非泰厄陳初何憂比彭十不一聘轍半
九州中道嘆不行嘗欲乘桴浮顛子天窮巷李路戕兇矛
是亦各有命豈伊聖門羞人生苟聞道寒飢勝王侯脩身
以俟死言行無悔尤寄語夜讀子繼晷崇膏油

力學

力學長猶進治生晚不憚操心元自定忤俗果何由塗抹
餘千紙浮沉等一漚忍窮兼耐辱失笑未包羞

贈孫元京 篤近以詩見示二首

道豈而身窮相逢西禿翁高懷真惘惘 薄藝媿空同
吟山雲愚溪感候虫斯人何可作尚獲見餘風
舉世無高見斯文有正音稍工仍要拙寧古不為今末俗
雜容喙空言苦用心未妨全瘦勁却恐太幽深

送陸君重 五首

胥謂真英妙元來極老成詩書裁薄領忠厚勝聰明熟料
乾坤事誰窮九萬程吾衰今已矣公等付蒼生

謂世無廉吏吾猶見此人政聲口碑在陰德

新薄俗

難開眼身途易致身一清當百濁端肯混光塵

豈不亦分符圭田廨宅無一棲棲僦寓百費仰家租琴韻

消長日詩盟許老夫用心自塵外未覺與同途

四寶堂空後歸舟有底珍唯將好山色可語故鄉人他日

公能憶吾邦俗尚淳信難滅否處早覺是非真

起伏難前足行藏喜自由足堪娛壽母幸不乏先疇酒具

饒魚蟹郊居少應酬兩無慚事育何用到壺頭

病日飲致

疾鎖封喉管瘡釘突齒齟齬動無筭爵肯顧不貲身未即

容俎謝徒令受楚辛果能深避地何敢妄尤人

梅少作

岨強輪因謂絕奇刮摩剔扶更多疑彭門峻步動除道粟

里高風晚得師乃後容賒十年死足應全廢一生詩根柯

直待如銅石始是添天溜兩時

入五月病二七日

病已捐蒲酒寒猶擁絮衣形骸元自劣氣候每相違人死

朝、有吾哀事、非厄羸存喘息聊復信天机

生日病中

偶復逢生旦何知迫死期老、難辨病貧寔怕迎醫自擬

脩埋誌誰猶壽詩不應六旬叟未減一分痴

病稍愈戲書三十韻

藥滓棄盛鉢藥貼堆滿案藥價殊不廉藥效一何緩身昔
未病時飲啖百無憚一病半月餘食味等土炭晝睡反多
夜夕呻每徹旦席硬骨加痛衾垢膚轉汗三更渴吻急強
起揭書幔燈暈火如盆故作紅碧爛年今五十九溘死詎
足歎先君抱函憤較茲減三^算翰杜梅兩詩老聲價百代冠
享壽僅及此官職亦云漫又如同學士何止大闕半中道
或無成萬事春凌洋老我幸已多苟脫兵火雞剥膚極脫
削餬口就退煥造物屢見赦得失互驚惋未容遽朽腐更

遣足憂患假如即不起游魂去常餘殮具無可陳襄事孰
而贊^上兒寓鄴州西月消息斷何時捐別業理舟抵岸
人生良艱哉受此世緣絆捨榆及搏風各一憑羽翰至靈
可不^如外攻之中捍自非有仙骨寧免寒暑鍛彭殤終同
途顏跖非殊貫形疑靡不鎖氣聚會有散達者悟斯理盧
胡一笑繁排悶寫心謠治命實非亂

次韻趙連夫問疾

煩君遣信問如何霖雨無人叩陋居孰信着綿當夏半自
驚伏枕已旬餘百年未辦書傳後一壺猶欣服返初處約
得衰更多病從今誓與酒杯疎

次韻趙達夫過訪

無限溪山盡不如特尋花竹到貧居
相迎具茗涼堂上獨肯衝泥苦雨餘
伐病政思齏素問論詩徒覺過黃初
脫然百脉俱甦醒藥餌登時已可疎

次前韻賦隱居二首

崑岡玉火脫焚如萬事灰心此定居
今古真成一夢耳行藏畧筭十年餘
曾微寔譽歌耒暮豈可虛言賦遂初
邂逅乘車還戴笠未妨多病故人疎

舉世紛如自汨如荒園僻巷閉門居
搥干和鼎非吾事啖茹燃箕不顧餘
林下一聲蟬噪處山間十日雨晴初
空階

刺放苔痕長始信先生屐齒疎

斷酒半月餘

毒手遭風伯危机伏醉鄉不成摩詰病
未悔次公狂餘器賈錢盡酤壚添價昂
酒徒容改事瓦椀茗芽香

送陳正之三首

老筆文無害升堂指頰間才高心每怒
事遽色常閑碁局消長畫詩囊括好山去
時似來日添得令名還

婉畫循中道廉名集美譽直知能解事
元為飽看書用法何庸盡頌條本自疎
鄙戾端許繼不問吐茵車

昔在東原北高唐一再行金書儒廟杜
畫壁驛亭清仕宦

中年遠親知遠道迎江南何處好細話紫陽城

何處蓋雨夜雨

樹与山同黑聲喧瓦欲飛雷行無矧喙電起更螢輝山市
收燈早荒城擊柝篩平生聽雨意終恐壯心違

驟雨

道妙無生有神凝氣孕形為誰膏草木何物起雷霆本質
端能受元功豈獨靈老夫已枯槁衰白肯新青

連雨

下潦多成疾荒墟或告飢夏寒幾閱月晝晦動踰時墜果
全無味新禾間欲萎可能留少許庚伏灑炎曦

復雨

鬱蒸終不解白晝忽昏迷樹暗全如暮禽驚誤欲棲銀絲
斜翠壁雪練墮青梯壯觀何須教范：后土泥

怒雨

今歲黃梅雨龍公剝作威雷抨山欲碎夙掣樹如飛患濕
槽泥履聞腥嘔垢衣飢猫避誰屋竟夜不能歸

淫雨

城撼濤聲上山埋霧氣中郊原成澤國舟楫羨魚翁浙石
田應沒巴西雪更融斯民恐魚鼈孰為訴蒼穹

苦雨

苦雨何其久山鄉化水鄉月餘沉確磴天牛起帆檣孰不
思神禹疇能餉子桑溺飢非已責愁絕望朝陽

久病

肺病兼脾病葵花復槿花開猶常不樂老欲更何如客訝
添新犬童喧斷小蛇窮居非得白持底謝年華

虛谷桐江續集卷十一終

虛谷桐江續集卷第十二

紫陽方回萬里

始晴至城東別墅二首

踰月黃梅兩河流屢溢涯蟻宮危智伯螢燭用藥已忽喜
迎初日猶嫌見早霞淡晴城外路緩馬問荷花
不堪一月雨才得一朝晴漲水聲猶悍初蟬語未成日專
便曠野身偶出荒城無客仍無酒林塘覺更清

題牧牛小卷

一童縱牛眠柳陰一吏渡牛陂水深此眠定無南柯夢此
渡不憂人鮪甕菘風笠雨開荒寒是誰幻化生毫端嘻其

太平古天下不然人牛兩奚暇

紅雲亭即事五首 并序

歙邑之左屏山之下舊柯氏小墅前三十四
年壬子予為名曰紅雲亭谷中有水三塘環
以花卉後歸之予既經兵革非復疇曩而林
泉映帶之間每至不能無詩近教小憇故屢
賦之

一行城外路事二勝城中是處稻爭綠誰家蓮忽紅深籬
幽戶閉小水暗渠通獨坐謀詩句何人識此翁
游觀不在大但取意疎恢積雨欣初霽閑人偶独来自隨

新句轉萍殿去鳧開無酒勝於酒移時再茗杯
三十餘年事千紛復萬紘戰塵飛白羽花事夢紅雲園契
更為主州符閱幾君池聲送今古猶似舊時聞
江湖垂老死天地忽風塵豈不多華屋何曾屬主人北亭
聊着眼數口僅容身雞犬桑麻裏侯王愧小民
池塘通澗水籬落護柴門昔在承平日誰知化育息艱危
多死徒僥倖或生存予亦間關以頻來憇此村

水亭待孫元京遇之歸途

独向水亭坐未聞詩友來入城還偶遇下馬與同迴各已
泥雙履終難致一杯菰蒲偃微雨忽見野蓮開

委至紅雲亭並苦無酒

小閣虛窓手自推碧池天淨鏡奩開深涵樹影無風動驟
唳莫聲似雨來六月今年全未熱一詩吾輩易為才欲呼
鄰友相酬唱官禁何由致酒杯

小樓

乾坤今古事盡在倚欄間初上似登塔忽高都見山醉眸
天共遠吟思暮忘還城市如巖壁誰能共此閑

州學遇劉元輝胡子游二首

五十年前幼學見讀書窓下此從師前脩何限驚埋沒往
事無蹤隔亂離蟬扶晚風穿故閣蝸憑宿雨蛀殘碑誰憐

昔日垂髫友白首相逢共賦詩

小兒今忽六旬翁尚憶無人鬼嘯風

學舍食已
空齋而出

三歲棘闈

懸造化兩時飯鼓老英雄致身卿相談何易責脩春秋論
亦公磨滅山林心不愧豈無窮者勝於通

次韻感學事二首

風雪誰識舊童兒法令今惟柱從師刻束諸書驚蕩盡路
槐遺老嘆崩離堂中授講亡高座廡下題名剝續碑
不存齋舍改端能為泯少年詩

戰聲驚倒白頭翁慨想青矜舊日風或厭三場爭小技孰
知一日網群雄蓋此地涵濡久藻鑑他時賞拔公松老

視顏異疇昔定應窮極道還通

東山廟 在報恩寺之側

靈跡從來擅勝游茲山亦復甲吾州杉腰一殿懸金屋雲

脚千家聳畫樓鍾鼓鄰僧新院宇桑麻平世舊田疇

大教誰能問住者即存死即休 用新旧字一聯極平而意味似遠平生不肯如此

也 作詩

送孫元京還講舍

袖有銛鋒日夜磨刻雕宇宙柰君何俗談世念神山隔人

品詩評白眼多大似石宮元子詠更能銅斗孟生歌暮年

我亦詞華落欲卜溪鄰買釣蓑

題孫元京近詩

後生如蠅能詩骨弱腫昏俗不治忽似再生蕭德藻已

應突過李之儀掃紅紫陣現黃落懸萬千鈞繫一絲精刮

潔磨猶未已直須陶謝而同時

次韻贈道士汪庭芝二首并序

予先姊之子曰汪舜卿庶子庭芝始生嫡怒

弗舉再從叔父漢卿而族人共藏而乳之

長令着道士服極歛之軀明觀年二十有三

矣詞翰已若老成亦知命隱跡以脩身可也

贈詩盈卷多失初意予因用韻寓規焉

鳴鳩不遇豈非天
闢穀於菟亦偶全
中野履霜寧怨命
通宵煮石且隨緣
此身幸是無還有所學
當令後勝前肯復
杏壇聞木鐸可能蓬島問
風舡七葉衣冠尺五天
赤眉兵起竟誰全
備嘗度孽沉離會
仙真接引緣身世
萬端艱苦後家門
十載變更前操持
正要看帆拖勿使誇
為到岸舡

次韻汪度芝投贈

魚龍仙派古來聞
南渡樞臣七世孫
不幸間身且隱玄
之玄處道常尊惜
閑刺讀真書傳八
靜時思舊戶門
送往恤孤尚留意
亦防公議恐無恩

汪芝去樞密勃七世丙子盜起汪氏死者僅三百人

父舜卿善人疾也群僕不忍殺引避使活而掠焚其家皆今夏始以病卒度芝倘有二弟當留意者也近見予神仙傳欲借讀內刻向列仙傳非向所著有曰武之不達漢儒豈敢斥宗廟乎故欲其讀真書也

秋暑家多病者

酷暑端何物窮居值此辰
交秋六七月連病兩三人
虛屈名醫至深憐老子貧
婢慵吾亦愧煮藥缺烏薪

早起煮藥

五更鍾已動起步望中
度東壁忽聞雨西牕猶見星
燃小竈汲水淨空瓶
見子歸來好年來乏西令

歎笑

意外無憂惱予心
豈厭貧索錢紛債主
賒藥媿醫人坐裝

高標盡時驚俗態新殘書亦懶讀滿架付塵埃

七月十日有感

十年前此日觀篆上嚴州借服初金佩義冠尚黑頭乾坤
誰失馭江海已橫流保土雖無恙忘家弗自謀寒門
裂痴子困萍浮追憶危阨急都忘屈辱羞衆推真膽大孰
察暗眉愁盜賊誅鋤定租傭減閣優民功差稍二已事太
悠綿薄稀儲峙貪婪恣取求且懷隨命運失意起冤讎
屢跋三閩馬更乘四瀆舟謂江淮河濟皆長城青塚月大
漢黑山秋甫息臺知擔空餘季子裘解官終久早破產復
奚尤酌相悲先壠畦蔬偃故工信書無一得負債有千憂

倒篋衣俱典連床藥未瘳不如窮百姓何謂古諸侯公論
誰詩可蓮花博士儔

送趙鼎臣君鑄二首

上下房曹氏嘗從譜系知科名允幾榜家世例能詩文獻
風流在才猷仕宦宜速頌旁郡祿歸慰老親思
氣骨今年改除編定不難勿言官職小足庇戶門寒楚雨
未猶綠燕霜樹已丹故人如見問家尚寄嚴灘

秋到

秋到山居僻貧無異味嘗摩黃新粟嫩炊白早私香漸減
家人病徐添夜氣涼憑誰理荒穠籬落菊苗長

涼夜

掛屋星河淡環牕草樹幽燈昏天欲雨簟冷夜初秋尚覺
孤身健能忘滿腹憂去年田事薄猶復有微收

無物

一屋無他物荒山此僻居小兒差類我老馬最憐渠久絕
樽中酒空推架上書頑軀獨不死晚節竟何如

慙老

慙老千山裏投閑五載餘直令銀日糴何用戀鄉居白傳
欲賣宅虞卿空着書秋園菊籬好荒草欠人鋤

觀食嘆

里巷有窮叟頽屋僅四壁晨出暮乃歸升合賴筋力何能
致大嚼所具但糲食上以飶老妻下以飶子息每飯焉得
飽醞醬或弗給懽然咀啖間相對無戚色誰家粗祿仕梁
肉頗豐殖至親本不多辛苦養奴客雕盤割玉脂香甌浙
珠粒精暇及美糗俊味豈易得大姬挾怨怒不舉至日昃
小婢亦仰面屏置若棄擲政爾萬金重不作一錢直主人
敢興問翠屏愈煩嗔乃知鐘鼎門庖宰刀机亦不如
底破錯煮蕎麥

老馬行

十年何啻騎千馬望風北馬甘為下老夫與爾共艱難定

非苟且相逢者憶昔專城鬢欲霜宇宙茫茫成戰場指呼
壯士斬群賊喋躒濺血霑鞋裳廐中始與馭駘列夜、向
風嘶曉月咆哮跳躅不受鞍獨我乘之心安帖韓幹曹霸
畫圖同耳小胷開蹄踏鐵吳隄朝望海門潮薊門暮
山雲黃雲哀草出長城碧眼虬髯逢者驚百人走駉落
汗力追不及猶緩行痛飲爛醉仍宵征了無傾側肩輿平
髮彫齒鈍兩哀暮重到江南如隔生我閑解官甘寂寞爾
病良醫頻灌烙去年西湖徃探梅雅稱是翁俱矍鑠陌上
誰家年少郎千金美妾規紫光謹營芻豆尚努力永伴殘
年田子方

編續集戲書

朝衣已當酒家錢更賣山中二頃田盡聽小姬辭別院單
留老馬伴殘年假令埋骨終無地斷許知心獨有天一事
差強今晚葦桐江續集又千篇

隱者

土木形骸八尺身碧眸如電氣如神笑拈草化燒金藥狂
折花簪漉酒中百萬生靈枯冢骨三千世界戰場塵
生死閑中看聞說蓬萊淺又新

閑居

疊嶂層巒盡不如雖貧未死比閑居舊移一紀桐初大重

種三年竹尚疎定借厄窮延老壽敢禁桀黠笑痴愚鄰家
夜：誰吹笛每輟燈前教葉書

登屋東山作

我生箴拘束萍梗墮游宦遲暮齒髮落歸來歲已晏
一紀前罷官避諛訕故人為買地誅茅偃巖澗忍飢苦
堅浪出蹈憂患繆遭千騎擁動閩萬甲環亦嘗排九閭稍
納小臣諫途窮事已去運盡決空潛狼虎恣吞噬鬼域肆
藝嫚豈料全性命復此時葵菟壞屋如敝衣隨意補破綻
北簷著馬槽南墻葺羊棧東山一何高癖習喜燈觀荒蹊
乏耘丁褰裳現骸斫百谷鎖密霧秋陽一除鏗聚落草樹

分耕畬岡陂間淒其寒事迫天意欲過鴈蘊隆茲可慮
蓄馬所辦曰予本婁士枯淡少小慣但恐
輟魚生望絕
單汎費用倘粗給終老寄哀慢不然棄去之七澤釣菼菀
蛟龍無定宅麒麟不受秦眯目埃課兒孰能判真贗

讀放翁詩作

放翁六十二起家守嚴陵三稔即祇召禮闈直青綾虛翁
四十九外補當兵興七稔始受代萬死脫怨憎放翁
豪決起天地鵬短章異大篇徃蛟龍騰虛翁亦嗜詩瘦
骨枯峻嶒欲和郡中作百冗嗟弗能曩讀劔南集幾夜挑
孤燈今茲一丹讀憤氣填我膺公昔承平日從容汎載憑

嘯詠遍泉石醉樂多賓朋而我值變故禍患來相仍
捩鬚意少暇晚夕惟戰兢拙稿千取百秋暮號蟬蠅仰望子陸
子絕意天階升忽夢一老仙電眸齒如冰手執玉如意坐
控琴高較指麾若講授揖我謂我鷹大道有壇陞所
級登汝年故未耄亢健俾霜鷹乞汝九萬牋但勤攻剡藤
異日大羅天後車許汝乘西風蕭、涼桐江碧澄、袂訣
隱丹崖古剎剎蒼稜萬重雲霧間徃問南山僧

得老

方腹前臍與同甘茄瓠朝、滿菜籃萬馬肯從行漠北一
裝令得老江南將軍夜渡彈箏峽處士秋樓掛節巖予奪

喜嗔雨堪笑暮三何必勝朝三

次韻張慵庵規予奕棋

而牧豬奴可不同嗟予老矣尚心童戲拈玉子鳴飛炮良
喜青裾駐職葱浪說机閑何所益僅存邊角未為雄小鬟
有着能相怨冷被旁人笑此翁

秋風

剝喜秋風起空庭老樹間夜涼瞻北斗晨坐對南山
黃花近今年白羽閑未妨缺耕斂尚覺老軀頑

寄康慶之錢塘二首

奕品深叅古爛柯筆蹤傍出舊臨河詩不覺千篇易書讀

曾瑜萬卷多壯士玉闈汗血馬美人南國採蓮歌後遊
奇觀平生事將相其如此老何

暮年生計乏從容六秩臨頭萬事情官酒河豚如有毒故
姬秋燕已無蹤往來迎送猶多事俯仰笑涼竟火棕獨
已知心欲去西湖同賞木芙蓉

估客樂

為吏受賂嬰木索漢相忽遣東市斷不如估客取邪羸居
貨罔人三不覺布素寒儒守鄉學夜三孤燈同寂寞不如
估客醉名倡百萬呼盧投六博估客樂哉真復樂大舶飛
山走城郭珊瑚未數綠珠樓家僮多似臨邛卓十牛之車

期舊伊優邇來非昔比誰復為儂憂路遠筋骸倦風涼咳
唾稠採壺炊破甑啖茹荐新芻一飯都能幾三杯即告休
堆場喧鳥雀隘巷集羊牛幼稚茅茨候驩呼菓粟求雖無
玉鳩賜端勝富民侯

又七言

又無筋力荷鋤耨坐閱千畦穉種秋又喜黃雲今滿眼不
知白雪已盈頭丁寧幼稚頻驅雀約束比鄰遠放牛及
見孫了租稅頽齡一飽更何憂

夜起有感

古人所願為莫若言事官前後
輦風節何索然士所

甚榮者草詔登人鑿繆妄或預選文章何足傳又加相人
因操秉中書權姦邪雜庸儒覆餗鼎寔顛代天分百工設
此三要職我雖幸登名三不踐其一嘗叨臺諫命大臣陰
見耜擊搏非所能甘受一麾弁于時已潰亂竟不保宗
論罪誅枯舐孰可付史筆星河夜西流看天徒歎息

聞笛歎

讀書夜倦燈影暗屋外笛聲何處來隣翁吹笛意本無聞
笛如我心何哀如說生離苦天涯海角無由迴又如新死
別委骨黃壤埋蒿萊失身羈婦過昭君塚憤軍老將上李
陵臺東坡澹庵惠州新州更海外經義字說盡場屋格天

之閣高崔嵬元祐太母地下負廢立之謗昭慈再廢入道
冷屋局荒苔濟陽一去飲雪水不得其死二十七年老姦
擅位汙公台分明歷歷道此事使我顏色暗然如死灰
止山陽向秀感徒為嵇呂二子空徘徊平生不識音而律
但喜樂工奏曲作技傾金壘不謂今夕此何夕江淹別恨
二賦盡到眼玉川子涕泗蝦蟇食月萬古不可開鐵腸
肺有雜碎驚魘不願閨中孩壁下偶有酒碩謂酌一杯一
杯薄酒何足禦此大憤怨不如愚無知者酣臥鼻息長如
雷頭更笛聲寂無有出視空庭但星斗

今孤信芳招飲天慶長文煥

仲秋久不雨殘暑氣猶鬱晝夢化飛鴻青冥脫羅罽果有
叩門者喜招為瀟被林下見高人杯中得嘉物世故萬不
平如利劍一刺何況詩家流談鋒出奇怪味同本道合心
敬非貌屈維亦古琳宮端然金碧此生雲石噴岿蔭日樹
菊蔚更有竹萬竿風稍互披拂黃冠作何行享此傲簪紱
吾儕許借景仙意亦髣髴其徒傳異書昇空白日歛腐儒
早知命靈丹未甘乞座間亦有賦腸枯語言吃崖根茗泉
深尚留一再掘

同張文煥過吳式賢二十六韻

退居之晤語蒿萊翳荆扉闔闔一以出秋色鏡清輝東魯

六經樂故亡三禮復下完名教頗外刺或亦疑同官易詩
書春秋論孟庸學篇彌縫救破斷誰寔心斯傳始以營道
翁終之紫陽仙堂七君子如日常在天有暮必有旦豈
無來者賢大匠一朝作繩墨其捨旃周二程張四人文公
宣公成公三人為近
世七君子

北珠怨

北方有奇蚌產珠紅晶熒天鵝腹中物萬仞翔冥此
孰能致俊鷹海東青鈎戟為爪喙利刀以為翎採之肅惟
氏扶桑隔滄溟無厭聊律家苛取不暫停中夏得此珠艷
飾生芳馨遼人質此珠易寶東夷此為耻墨嗟

罄瓶渡兵鴨綠水犁掃黃龍庭夾山一以滅河朔無鎖扁
出燕及淮江赤地戰血腥徒以一珠故百億殍生靈兩國
失宗杜萬乘棲囚囚旅燹戒異物聖人存為經徒以一珠
故天地生虫螟此事有本原猶即栖熙寧力行高君法
勃燕然銘延致衆姦鬼壞敗先朝廷焉得致渠魁輾裂
五刑鍾山有遺瘞漾之江中冷我作北珠怨哀歌誰忍德

戲詠老農現稻以秋字為韻

扶杖行阡陌稅私極望秋兒孫邀按視父宿聽分抽村佃
同黃馘山妻對白頭負米難努力捨穗尚明眸糞薄嫌苗
瘠耘遲訝草留後生無乃懶今歲更奚尤糴價先朝賤租

病積憂無此狂歲六十翁無藥餌家三百指望裘裳空庭
月側荒山悄起望星河夜慨慷

覽古五首

人有好與惡造化無頗偏種谷非種稗、寔在谷先謂天
不佑惡細察似不然麟鳳世罕識蛇虎動百千泗水兩師
生萬古天聖賢瓢飲短命死絕糧陳蔡間雍徹柄魯政贈
肝延天年氣運苟如此周衰何足言

讀書以修身末惟利之漢夏侯詭拾芥栢榮陳其車初學
昧訓詁利心已炎如為吏未識字嗜賄不顧軀青、凌陂
麥歌聲何舒、金椎勿造次恐傷口中珠豈不事詩禮所

為乃兇渠用世率此輩生靈夫何辜

父子具曰聖相謂為仲尼獨於春秋學育心無能稽僻說
竺老滓苦政斯鞅靡神天有弗察大柄斯人尸典午起九
厄衆鬼宗魔師紫宮坐張楚赤燄生劉齊鏐帥豈辦
阜寔召之至今二百年遺禍殃蒸藜

賢者倘畏死世論終不公古若不置死何藉誅妖兇荆舒
底姦鬼廟食止軻同舉世知其非噤嚅不敢攻著書斥日
錄獨一陳了翁禍至裂宇宙枝蕩中原空筆削討厥罪乃
在乾淳中我讀四朝史方知天聰聰四朝國史王安石傳
最佳文雖簡而能盡
罪其

三百車雪象紅牙水犀角養犬餵肉睡氈毯馬廐驢槽亦
丹蘄生不羨鳳凰池死不受麒麟閣估客樂哉真復樂迩
來六月錢塘潮一估傳呼千估愕大風來自度朔山吹倒
岷峨舞衡嶽一江一日殞千艘四海五湖可隕度諸寶下
輸龍王宮蟹龜龜恣吞嚼人言估客樂估客有時也不
樂百年計較千年心不禁一日風濤惡近六月浙江風
潮失舟六百艘

六十吟五首

六十衰年萬事嘗西風迴首戰爭場科名官職供虛幻李
問文章挽廢忘死見幾人饒酷毒生憐此老尚昂藏故應
許似籬邊菊百種花殘獨傲霜

六十曰耆七十稱西山能有幾

賓鴻蟄燕秋如故朗

月清風事總非美酒難求周九鼎麗人多借管三歸泉榮

顛倒知何意草上誰家露不晞近來酒極難得而一人有娶數妻者

開歲當為耳順翁知非又過十秋風尚多兒女婚姻

使田園伏臘空迎菊作詩先自喜設奈當酒未為窮頑軀

定不綠愁死縱死還如不死同

年十年將一世論繆悠兩世見兒孫紛紛往事皆如夢漫

浪虛名獨許存茲遣候虫憂做絮懸知壽客笑空樽往燕

階葉無人掃卧聽秋風畫掩門

晝暑微首暮已涼中秋近更重陽少時痛餘不勝樂老

有名士勲庸厭常旂權言撥簿領宿約尋郊圻小興信自

逸寧知勞者唏還眺豁蒙蔽未若黜鞍轡淪涉淺瀨香

窀穿晴霏西成禾稼熟南賓鴻鴈飛歲晏苦不樂來日

已希懷人况有願渴心奉容徽丘園隱君子結佩紉芳菲

恬養足道氣恬悅通禪机渠石轉流水築埭臨營崎裡擇

蔭書艇芰荷環釣磯復有蘆葦叢江湖思依已起予一襟

風萬有浮埃微設禮古俎豆執事儒冠衣兒姪亦敬客

趨色無違緬懷十年前傑閣何巍已幻境值草故高蹤甘

遊肥利達被昂貴朝露終易晞孰能保令名百世無評訖

莊叟適游濠曾生傲浴沂俯仰宇宙間此會應復稀遽剝

玩奇刻香林媚餘暉冥冥塵外心澹然暮忘歸

訪吳式賢歸賦詩復以未用韻成篇如前數

秋仲已數晨殘暑餐餘威兩旬赫斯早歲事將告飢五穀
既不熟百卉亦具腓白露輟救田巫祝絕禱祈決潸原野
間行行策征駢所至問父老最苦螟而蜚官府發令寬疲
此猶庶幾柰何迫賦役有弦終無韋初筮或金紫不復先

綠緋牛羊為求芻今乃如獵圍成籟良易察厥病不在非
適我故友家美奐思如暈謂吾綠林輩秉畀仄炎輝別

今尚佳細故未足歛明窓可教子辛苦出螢幃地出禁酒
界煮魚封豪蹄釘菓燥
寒毛美芬藿薇老哀感嘉意滿

斟餘十揮繆添五年長一命先登畿三益夙好在萬事危
途非此未聽所談字三作珠璣終當造鳳沼否亦蓋虎關
民瘼熟覽采一、歲奔辰何乃懷其實不受良工晞昔
更四稔泮水糊藻芹晚節豈倦游故託左臂非

再簡吳式賢

郊居縱復遠康莊如許詩名許遁藏有客遠來斯識面不
吾遺棄例登堂眼高心遠乾坤窄樹密泉深上下涼誰而
圖成後三笑陶中底用間緇黃

遇李尊師

東城為所適有此松下風更有竹萬計連山翠如葱長廊

無人白日靜古壇高屏秋陰中雲房鎖局簾慢捲久乃忽
遇星冠翁一笑呼茗、立具對井邊曠首龍五十餘年
閱此盡偶許後死頻過從疇昔共飲徒十不見八九昇天
豈其然冢骨今定朽老夫起立意欲去尊師願謂酒已温
人生一刻快意難何幸有酒澆此口屢勸不容遽上馬上
馬出門却回首吳天

秋日

畫日秋園掩竹扉小堂臨砌坐斜暉有心覓句無心得畦
叟澆花蚱蜢飛
探菊二首

秋旱今年冷氣乘將無斷送先生涯山田百穀俱焦槁一
雨何妨為菊花

心最怜渠早菊苗葉青如粟間如椒小勞汲井何妨事有
酒吾當着酒澆

中秋前夕三首

中秋無酒定醒然清賞今宵月已圓喜吾小兒才五歲猶
能倚戶望高天

稍穿疎樹殘光碎徐碾晴空素艷流交過子時是明日挽
先半夜賞中秋

山頭月到天心小林下秋生夜半寒不待明朝已三五四

更仍續五更看

中秋夜有客携酒

中秋謂無酒忽有携酒者
聯翩二三客柴門繫嘶馬
膨脝兩大甕待月列堂下
空庭碧天濶秋色極瀟灑
皓魄初未出稍覺雲暗野
湏臾冰團掛細字可讀寫
琵琶撥旁行此曲豈和寡
村伎雜南北焉有容色冶
老夫但滿飲不復記杯罈
朝詠頗惡劇罰籌不我捨
自從歷喪亂萬事付苟且
應接日紛揉口耳侶聾啞
久旱百歲死心望時雨
鴻雖逢芳醕濫更着纖指
把丈夫忽有念外物皆土
直客去欲夜半一笑真醉也

社前一日用中秋夜未盡韻

清晨視園樹槁葉脫梧櫞
鄰家餽瀛肉里巷作秋社
報賽有故常民俗其敢罷
勾龍得無羞土毛早欲赭
貧家節常素不撤福嘏又
况禁酒嚴螿室覆老瓦兩
男隔鄰郡久未泛歸槎
小兒及二女嬉戲粗姪姪
叫啼素黎粟短裳或露
髻乃翁老鈍極久因說
口咳下体毒痔漏中脫
痼癥痲春林畏青箬杵臼
亦旋假意以娛幼稚鮮
歡頰頰驟東墻掘小池南
菜續前厦明旦宜鳩匠
窘局笑窮窮排悶賦此
作鄙俚規不雅

八月十八社不雨得酒

近社當有雨至是終無之家貧久無酒忽有社酒持萬事
不可料人生難前知窮山早已甚園草日就萎重九倏復
近曉顧東籬稼穡不我而灌此青蘂枝函賞心所寄曾
不憂朝飢菓茹媿云鮮聊茲撫幼兒扁舟欲有適矯首空
遐思

社後已未始雨酒邊書

今年五月梅晝夜雨不止及茲七八月一旱乃如此古言
了無驗社公飲舊水豈其世俗移難復論常理里門分內
竟誰記戊午已詰朝始霖霖斬作霈然喜破靴行荒園沙
泥濡足指蕉扇戴頭滯聲類釣蓬底有田穀不登無田吾
何耻荷鋤蒔蔬者告謂土潤咫尺芙蓉一二開紅蓼亂紛委
木落樓閣出風物甚清美偶茲樽酒具小醉亦可爾土木
愚頑姿頽然隱吟几天地萬古悠微軀一梯蟻區三曷足
云後當知此士

社後復晴

無租猶欲望豐年豈不差於酤糴便浪說歲星守南斗略
微社雨潤秋田異哉古語俱難信老矣餘生益自憐已近
重陽更晴早潘郎佳句亦虛傳

小園

累土為臺就浚池小園聊爾寄娛嬉栽花誰覺似貧戶莫

菜自量無厭時月下秋聲長不寐水中樹影最宜詩客來
客去煩歡喜祇為能饒一看甚

重刊更補擬詠貧士七首并序

淵明有詠貧士詩七首前二首自謂後五首

引古賢士七人亦借以自謂也東坡遷惠州

一年九月無酒乃追和淵明詩以寄意夫以

侍從偃藩謫僅一年已云衣食漸窘樽俎蕭

然且有典衣作重九之句况予多歷患難休

官五年者乎不敢如東坡和淵明韻姑以江

淹雜擬體賦之非於貧有感也以貧為悅而

甘之者也九月八日方回序

陶渙起畎畝在野賢無遺世豈有貧士貧民且無之鰥寡

不敢侮俊乂斯可知未季尚貪慾高位多窮奇有如元愷

者豈不寒而飢寒飢士之常蒼生良足悲

生不逢堯舜夜歌齊國門短布適至爵願此何足言得無

慕反玷頗欲致飽温區區霸者佐治躬之本原易地可焉

稷狄許陋巷顏管卑况彼舜人品當爾論

周公昔下士一飯不遑餐四侮頌聲作白屋無復寒三家

柄魯國陽虎盜珣璠曹原二三子忍飢依杏壇士當察時

命固窮心所安何至扶長缺持為無魚彈

昔在馮敬通晚節極窮困豈不嘗專城肥遯故無悶如何
彼江生賦此以為恨政坐不能隱揣謂意有怨與世一不
合心迹當兩遠豈容近市朝尚而俗物溷
堂二孔北海不憂樽酒空一日坐口語老瞞不見容危行
言未遜難保明哲躬虞翻落日南宮寧老遼東事至於此
極豈願飄孤蓬所以焦光者愧處蝸廬中

少陵走西蜀坡山謫羅浮暗與淵明合九日無新菊見曹
處此境四顧定復愁惟此三老翁浩然無所憂作詩配日
月萬古長空流寄謝酩酊子詎識黃花秋
龔夫坐何罪持扇行覓錢唐意介之孫忍餓死空山我嘗

讀史冊悵望南渡前似茲良亦多晚輩未可姍此責有所
歸冠裳天地顛禍至崩祀國彼悔其奚言

九日無酒并序

塵爵耻虛罍寒華徒自榮淵明詩也如今九
日至自覺酒頰賒少陵詩也典衣作重九但
歲慘將寒無衣粟我膚無酒顰我顏東坡惠
州詩亦然予乙酉九日前以衣袍典錢不能
得遂成無酒詩瞠若乎三大老之後可笑也

陶杜休官窘可知更憐坡老惠州時三人九日俱無酒一

笑千年各有詩我輩固窮生事拙
今秋怪雨菊花遲典衣
不辦杯中物空嗅青英有所思

九日烹二雞終不得酒

長汝近歸寧念母省所患臨別無可烹
僅餘一老鴈茲辰
遂重九空庖絕芻豢伏雌劣足膳時繆靡由辦
平生萬卷
腸半世飲蒸菹中嘗長軍府豈不譙集憤晚年畏禍机弃
官老林澗賣書輟架籤典衣解袍襟佳節無一錢終不羨
朽貫瓶罄何耻為更用奴隸訕但甘顏樂瓢宜免周普

祭東籬英聊興歲同宴

九日用淵明韻二首

窮山豈有節疲泯不聊生比戶迫凍餒九日存空名
旦視
甯嗾中斗極南北明知我乏机杼促織亦銷声昔徒酒易
得痛飲倚妙齡焉知齒髮暮壺盡無可傾寒英粲荒圃
槁
葉鏗前榮堅忍驗學力乖離悵時情死也諒不磨可惜百
無成

淵明謝督郵猶有金石交故人焉古誼未隨霜葉彫把菊
東籬下氣與南山高顏生忽至止隻鳳鳴青霄我誓死巖
穴甕灌詎云勞奈何今年秋一早川原焦酒錢茂由致擬
坡聊和陶索冥世所賤由來非一朝

復記乙酉重九

無酒無錢不可賒窮居猶勝走天涯晴軒小圃籬門掩時
有人來覓菊花

送汪以南教授

郡文學掾未宜卑四七元勳所願為歸興忽如憶鱸膾開
心肯復戀臯比鄭虔梁肉非無分薛令桑榆竟自竒想見
田園有餘樂時能寄我和陶詩

未至無禮坐客寒興闌自欲早休官新下澤車款段馬舊
途掖衣章甫冠冷看辟飛終可愕真能勇退豈為難人生
底是閑居好心穩神清夢亦安

獨冷儒官亦獨清前賢補處詎云輕後山三任入東觀脩
水七年留北京底用過多求美宦自應垂後保香名贈言
我竟無堪說笑指籬邊秋菊英

次韻汪以南歸途見寄

身輕更覺馬蹄輕倦聽昕堂講鼓聲示病早能做摩詰賦
歸真復繼淵明食租近郭膏腴足卜築依山築壘成疾寄
新詩似憐我弃田捐宅不聊生

... 雨生

... 山

...

...

...



